

Հնաբերդ

Մակերես՝ 22.74կմ²

Բնակչություն՝ 1963

Գյուղ Արագածի տարածաշրջանում, Ապարան քաղաքից գտնվում է 15 կմ արեւմուտք: Մարզկենտրոնից գտնվում է 57 կմ հեռավորության վրա: Նախկինում գյուղն ունեցել է Գըրգտեկիրմեն, Խնաբերդ, Կիրիսդագիրման, Ղըրիսդագերման անվանումները: Նախկինում մտել է Երեւանի նահանգի Ալեքսանդրապոլի գավառի մեջ: Հնաբերդ է վերանվանվել է 1946 թ-ին: Մինչեւ 1995 թ-ը եղել է ավան: Գյուղից մոտ 2 կմ հարավ գտնվում է Կըրիսդայիրման կոչվող հնավայրը, որտեղ պահպանվում են մ.թ.ա. 8-7-րդ դարերի ամրոցի մնացորդներ:

Գյուղն ընկած է Արագածի լեռնազանգվածի հյուսիսային նախալեռներում: Գտնվում է ծովի մակարդակից 2150 մ բարձրության վրա: Կլիման բարեխառն լեռնային է: Ձմեռները տեւական են, ցուրտ, հաստատուն ձնածածկույթով: Ամառները տաք են, համեմատաբար խոնավ: Հուլիսյան միջին ջերմաստիճանը տատանվում է 16-18-ի սահմաններում, հունվարյանը՝ -6,-8-ի սահմաններում: Մթնոլորտային տարեկան տեղումների քանակը 450-600 մմ: Բնական լանդշաֆտները սեւահողային տափաստաններ են:

Բնակչության նախնիների մեծ մասը եկել է Խոյից, Մուշից եւ Ալաշկերտից 1828-1829 թթ.: 1831 թ-ին գյուղն ունեցել է 182, 1897 թ-ին՝ 1136, 1939 թ-ին՝ 1747, 1959 թ-ին՝ 1394, 1979 թ-ին՝ 1617 բնակիչ: Գյուղի բնակչության թիվը կազմում է 2140 մարդ: Սեռային կազմում տղամարդիկ կազմում են 48%, կանայք՝ 52%: Բնակչության մեջ մինչաշխատունակ տարիքի բնակիչները կազմում են 36%, աշխատունակ ները՝ 52%, հետաշխատունակները՝ 12%: Գյուղն ունի առկա 475 տնտեսություն: Ունի դպրոց, գրադարան, կապի հանգույց, մանկապարտեզ, բուժկետ:

Տնտեսության գլխավոր ճյուղը գյուղատնտեսությունն է: Գյուղատնտեսական հողահանդակները օգտագործվում են գլխավորապես որպես արոտավայրեր, վարելահողեր: Զաղաքացիների սեփականությունը կազմում է համայնքի տարածքի մոտ 57%: Պահուստային հողերից արոտավայրերը զբաղեցնում են 411 հա, մոտ 90 հա՝ վարելահողեր, խոտհարքեր՝ 20հա: Չբաղվում են դաշտավարությամբ, բանջարաբոստանային, կերային կուլտուրաների մշակությամբ: Չբաղվում են խոշոր եւ մանր եղջերավոր անասնաբուծությամբ, թռչնաբուծությամբ:

Համայնքի հիմնախնդիրների մեջ կարեւորվում է խմելու եւ ոռոգման ջրի ջրագծերի, գյուղամիջյան ճանապարհների վերանորոգումը: